

ottomanum”, արտասանում է նա որպէս մեռելի վրայ հողուոց :

Միանգամայն տարբեր տոնով գրուած մի այլ կարծիք մէջ կը բերեմ, որ համակ ցատում է : Սօսողը Գօրբինին է, իտալական հիւպատոսը Տրապիզոնում 1915 թուին եւ ականատեսը այդտեղի հայութեան ջարդերին ու տարագրութեան : Նա նախ նկարագրում է հայ երեխաները կողովներով ծովը թափելու սարսուղագրեցիկ տեսարանները, «արցունք, անէծք, յանկարծական խելագարութիւն, ինքնասպանութիւններ, հրդեհներ, փողոցներում, աներում, դաշտերում համադարձիկ... հարիւրներով դիակներ փողոցներում», ապա շարունակում է .

«Երբ մի ամբողջ անխանգօր ականատես եւ ամենօրեայ զարհուրանքի տեսարանների, ակամայ հարցնում ես՝ թէ արդեօք բնութեան բոլոր գաղանները թիւրք կառավարութեան անդամներ չեն : Եթէ ամէնքը գիտնային, ինչ ես գիտեմ, ինչ ես եմ տեսել իմ սեփական աչքերով, ինչ ես եմ լսել իմ ականջներով, ապա բոլոր քրիստոնեայ պետութիւնները եւ չեղոքները պիտի միանային թիւրքերի դէմ կոչելով՝ «նզովուած» 1) :

Տասն-տասներկու տարի է միայն անցել այն ժամանակից, երբ գրուած են վերոյիշեալ երկու վկայութիւնները : Արդ՝ կարո՞ղ է մարդկային որեւէ արամբարանութիւն առանց արտուրդի մէջ ընկնելու պնդել, թէ այդ կարճ ժամանակաշրջանում հնարաւոր է, որ անմեղ երեխաներ կողովներով ծովը թափող, հազարաւոր մարդ, կին, ծեր, երիտասարդ կենդանւոյն հողի տակ թաղող, եւ անապատների մէջ քարիւղով հաղարաւոր պատանիներ վառող, կին, աղջիկ, մանուկ բռնաբարող, յօշոտող մի ժողովուրդ ու կառավարութիւն — հնարաւոր է որ յանկարծ կերպարանափոխուի եւ Արեւմրտեան քաղաքակրթութեան բարձունքները սաւառնի :

Հնարաւոր է այդ հրաշքը :
Մուստաֆա Քեմալ նոր Մովսէս մարգարէ

է՞ արդեօք, որի դաւազանը ամուլ ժայռից անմահական ջուր է հանել եւ իր ժողովուրդն իմաստացրել, թէ՞ թիւրք ցեղը յանկարծ Ահաբոնի դաւազանի պէս մի գիշերուան մէջ ծաղկեց ու պտուղ տուեց աստուածային հրամանով : Աշխարհում հրաշքները վաղուց են դադարել . միայն թիւրքիա՞ն է մնացել աստուածայայտնութեան երկիր : Ո՛չ, հրաշք չկայ թիւրքիայում, բայց դրա փոխարէն կայ մի առանձնայատուկ «յառաջադիմութիւն» զուտ թիւրքական . դա իրար յաջորդող րեթիմների տակ — սուլթանութիւնից մինչեւ հանրապետութիւն — հպատակ ժողովուրդների ջարդն է, որ քանի զնում խորանում ու լայնանում է նոր ժամանակների, եւ եւրոպականացումի ճիգերի հետ :

Թւում է, թէ հին թիւրքերը աւելի հողի ու աստուած են ունեցել, քան նոր թիւրքերը : Այսպէս մի դար առաջ՝ 1815 թուին, Վիեննայի կոնգրեսին սերբերի բողոքարկու Մաթէօ Նեւադովիչ վարդապետը թիւրքական բարբարոսութեան զոհերի շատ համեստ թուեր է ներկայացնում . «Թիւրքերը, ասում է վարդապետը, ութ օր առաջ տասն եւ վեց սերբեր ցից են հանել Րայագնում եւ Դելիգրազում... Բելգրադատի բանտում հարիւրի չափ բանտարկեալներ կան... փողոցի երկու կողմերում կան վաթսուեօթանասուն սերբեր ցցի հանուած : Շատ տեղ, շարունակում է դանդատաւոր վարդապետը, թիւրքերը դեղացիներին կապում են դրան առջևի կեռասենուն, ապա սկսում են կողոպուտն ու բռնաբարումները» 1) :

Ընդէ է, ցցերի վրայ անկուած եօթանասուն մարդկանց տեսարանը նողկալիօրէն դարհուրելի է, բայց վերջապէս եօթանասուն է :

Ի՞նչ «առաքինի» են եղել այն ժամանակի թիւրքերը : Այդ թուականից հինգ-տասն տարի յետոյ՝ Յունաստանի սարսափների օրերին կոտորածը համում է արդէն հազարների . կէս դար յետոյ՝ 1870-ական թուականներին բուլղարների ջարդը տասնեակ հազարներով է . քրսան տարի յետոյ՝ 1895-1896 թուերին Հայաստանում թիւրք զազանութեան զոհերի թիւը հարիւր հազարներից անց է : Եւ երբ իշխանու-

1) L'Oeuvre des Ecoles d'Orient, յուլիս-օգոստոս 1915, էրես 420 (L'Affaire de Moscou, prof. Lefur, Paris) :

1) Jacques Ancel, Question d'Orient, էրես 63 :